

Aalisarnermut Piniarnermullu Naalakkersuisoqarfik

apn@nanoq.gl

22. november 2022

2023-mi sinerissap qanittuani aalisarnermi TAC pillugu tusarniaanermut tunngasoq

Ullumikkut ukiunilu tulluuttuni aalisarnerq ingerlalluassapput ilisimatuussutsikkut innersuutit malinneqartariaqartut Royal Greenlandimiit isumaqarpugut. Ilisimatuussutsikkut innersuussinermi aalisarnermi arlalinni aalisarnerit pillugit paasissutissat misissuinerimiillu aalisarnermut attuumassuteqanngitsumit paasissutissat ilaakkajupput, pijuartitsillunilu TAC-inik aalajangersaanermi paasissutissat taakku ataatsimoortillugit pitsaanerpaamik tunngaviliisuupput.

Pissuseqatigiiaani ataasiakkaani TAC-itut siunnersuutit pillugit oqaaseqaatit ataani atuarneqarsinnaapput.

Saarulliit

Sinerissap qanittuani saarullinniarnermi ullumikkut aqutsineq biologit siunnersuutaannut ukiunilu kingul-lerni aalisarnerqarsinnaasunut naapertuutinngilaq. Niuerfiit taamaalillutik saarulliit amerlassusaannut aqutsinermut isorinningaatsiarput. ICES-mit 5000 tonsit TAC-llu 17.000 tonsit pillugit siunnersuineq paa-siuminartoq eqqarsaatigalugu assigiinngissut annertungaarmat, pisisartoq sinnerlugu pisiniartartumut arajutsisaqarneq ajortumut tamanna akuerineqarsinnaanngilluinnarpoq. Tassunga ilanngullugu sulini-aqatigiiffiit naalakkersuisunut attuumassuteqanngitsut arlallit aalisakkanut ilitersuusiaanni (fish guides), nunatsinni sinerissap qanittuani saarullik inissisimanerluppoq, tamannalu isumaqarpoq tunisassiaq pineqartoq tunisassiamik allamik pijuartitsinermik tunngavilimmik aalisarnerqartartumik taarserneqar-nissaa innersuussutigineqartoq. Saarullinniarneq aalisartumut nunaqavissumut aningaasarsiutitut Royal Greenlandimullu tunisassiassatut pingaaruteqarmat, tamanna ajuusaarnarpoq.

Aalisakkat avataaneersut aalisarnerup pingajorarterutaaniipput, piffissamilu matumani aalisartoqanngin-nissaa siunnersuutigineqarpoq. Tamanna fish guides-imi ajoqutaangaatsiartutut nalilernerqarpoq.

2022-mi aalisarnerq 2021-mi aalisarnermut assinguniarpasippoq, matumanilu 14.000 tonsit missaannik pisassiisoqarnissaa naapertuussinnaassagunarpoq. 2021-mi TAC-ip ukiut sisamat ingerlaneranni Pinngortitaleriffiup innersuussutaanut naapertuuttumik annikilliertortinneqarnissaanik pilersaarusi-ortoqarpoq. Pilersaarut ukiumik ataatsimik nikisinneqarsimarpasippoq, 2023-mullu TAC-ip 17.000 tonsi-nik annertussuseqarnissaanik pilersaarut nutaaq isumaqatigaarput. Taamaattorli soq annikillisaanissa-mut pilersaarutit nikisinneqarsimanera apeqqutigerusupparput.

Siunnersuutigaarput:

- Annikilliertuartaatsinissamik pilersaarut 2021-mi pilersaarusiarneqartoq, qanorluunniit ukiumik ataatsimik nikisinneqarsimagaluarpat malinneqaannassaaq.
- Kalaallit Nunaanni Pinngortitaleriffiup ICES aqutigalugu avataani pisassiissutit pillugit innersuus-sinissaa, taamaalillutik suliniaqatigiiffiit naalakkersuisunut attuumassuteqanngitsut aalisarnermik akuersillutillu niuerfiit ICES-imit allakkanik tuluttut oqaasertalinnik atuartartut paasisaqassam-mata.

Siunnersuutit pineqartut akuerineqarpata pisisartut aalisarneq piujuartitsineq tunngavigalugu ingerlanneqartutut nalilissagaat naatsorsuutigineqarpoq.

Sinerissap qanittuani saarullinniarnermi aqutsinissamut pilersaarutip aqutsineq patajaallisissavaa. Taamatut suliaqarnermi avataani pisarineqarsinnaasut ilanngullugit naliliiffigineqassapput.

Qalerallit 1B-1F (aalisarfik 46)

NAFO 1B-1F pillugu siunnersuineq nutaajullunilu, aalisarfimmi misissuisorneqarimannginnera peqqutigalugu aalisarnermi paasissutissat aallaavigalugit suliaavoq. Tamanna peqqutigalugu siunnersuineq nalorninarpoq, taamaattorli aqutsiveqarfinni tamani biologit siunnersuinerat malinneqassasoq innersuussutigaarput.

Qalerallit ataasiakkaat oqimaassusaat tunisinerni tamani aqutsiveqarfinni amerlanerni oqimaalutarneqartarpoq, taamaammallu aalisakkat angissusaat pillugit paasissutissat amerlapput. Paasissutissat taakku malillugit qalerallit ukiorpaalunni milliartuaarsimanerat takuneqarsinnaavoq, taamaattoq 2021-miit 2022-mut allisimavoq. 2022-mi agguaqatigiisillugu 48,5 cm-isut angissuseqarpoq, tassannga 11% minnerpaaffissamit 42 cm-iusumit minnerupput (piffissap 1/1 -31/7 iluani agguaqatigiisitsineq). Aalisa-gaq taamaalilluni 2021-mut sanilliullugu allilaarsimavoq, taamanikkummi 46 cm-sut angissuseqarsimavoq. Agguaqatigiisillugu angissusaa sulii Qeqertarsuup tunuani angissutsimut sanilliullugu minnerullunilu angissusissatut pitsaanerpaatut naatsorsorneqarsimasunit 57 cm-init minnerungaatsiarpoq, taamaammatt TAC siunnersuinermit naapertuuttumik aalajangersarneqassasoq isumaqarpugut, taamaalilluta Nuup kangerluani qalerallinniarnep iluanaarutaaginnarnissaa qulakkiissagatsigu.

Qalerallit 1A (aalisarfik 47)

Aqutsiveqarfiit pingasuusut tamarmik immikkut biologit siunnersuinerat malillugu pisassiivigineqassapput, siunnersuinermit ukioq manna aalisakkat ataatsimut oqimaassusaanni pitsanngoriartoqarsimanera erserpoq. Tamanna iluarisimaarnaqaaq, taamaattorli Qeqertarsuup tunuani Upernavimmilu qalerallit agguaqatigiisillugu angissusaat 57 cm-init minnerusoq takuneqarsinnaavoq.

Royal Greenlandip Sustainable Fisheries Greenlandip TAC-mik aalajangersaanera tapersersorpaa, matamani aalisakkap ukiumut angissusaata pitsaanerpaamik angissusissaanut 57 cm-nut anngunnissaa anguniarlugu Qeqertarsuup tunuani aalisarnerup piffissap ingerlanerani annikilliarthortinnissaa siunertaa. Upernavimmi qalerallit millivallaarsimapput, taamaammatt TAC taamatulli annikilliarthortineqartariaqarpoq. Uummannap eqqaani qalerallip agguaqatigiisillugu angissusaa qaffassimavoq, taamaammatt pisassiissutit annikitsumik qaffanneqarsinnaapput.

Nipisat

2023-mi TAC 2022-mi TAC-mut assinguvoq, tamannalu eqqortuusorinanngilaq, tassami 2022-mi LPUE qaffasissimavoq. 2022-mi aalisarneqartut ukiup siulianut sanilliullugu annikinnerunerat LPUE-p qaffasineranut sunniuteqarsinnaapput, tamannali TAC-p aalajangersarneqarneranut sunniuteqartussaannilaq. Siunnersuineq taamaalilluni aqutsinissamut pilersaarummit allaaneruvoq, tamannalu ajorpoq.

Timmissat saniatigut pisarineqartartut eqqarsaatigalugu aalisarnerup sapinngisamik kingusinnerpaamik, ajornanngippallu maajip aallaqqaataata kingorna, aallartittarnissaa pingaaruteqarpoq. Taamaammatt aalisarnerup aallartittarneranut tunngatillugu NAFO-p oqartussaaffiata ilaanit aalajangersaasoqarani Aalisarnermut Piniarnermullu Naalakkersuisoqarfimmit qitiusumik aalajangersaasoqarnissaa innersuussutigaarput. Aalisarnerup aallartittarnera siusinneruleraluttuinnarpoq, tamannalu saniatigut pisarineqartartut eqqarsaatigalugit pitsaannilaq. Aqutsinissamut pilersaarutip ulluni 60-ni aalisartoqarnissaanik allanngortinneqarnerata kingorna, annertussutit pisarineqarusuttut tamakkernissaannut piffissap aalisarfiusussap aallartiffissaa apeqqutaanngilaq. Taamaammatt NAFO-p oqartussaaffiitut tamanut aalisarnerup aallartinneginnerani aallartiffissamik nalunaaruteqarneq (assersuutigalugu februaarimi) pilersaarusiornermut iluaqutaallunilu eqqissisimanerulersitsissaaq.

Uiluiit

Uiluiit pillugit siunnersuisoqanngilaq, taamaammat TAC-p aalajangersarnissaanut naliliinissaq ajornarpoq. Tamatuma saniatigut TAC pisallu qanoq ataqatigiissinnaanersut takuneqarsinnaanngilaq, taamaammat akuersissutinik amerlanernik tunniussisoqassanersoq imaluunniit pisassiissutit annikillisinneqassanersut eqqarsaatigineqartariaqarpoq.

Uiluiit immap naqqanut attuuttartumik atortoqarluni aalisarneqartarput, taamaaliernerlu sunniuteqarnerluttarpoq. Taamaammat immap naqqanut tunngatillugu aqutsinissamut pilersaarummi tamatuma ilanngunneqarnissaa pingaaruteqarpoq, aalisakkat imaluunniit piaqqiorfiit allat taamaalillutik piuneerutsinneqassanngimmata.

Inussiarnersumik



Lisbeth Schönemann-Paul

Senior Corporate Sustainability Advisor